



GOLFKLÚBBURINN LEYNIR

ÁRSSKÝRSLA 2022

Aðalfundur
24. nóvember 2022
Garðavellir, Akranesi

57. starfsár Golfklúbbsins Leynis – Skýrsla stjórnar

Golfsumarið á Íslandi árið 2022 fór ágætlega af stað en ljóst er að Íslendingar voru mikið á faraldsfæti í vor og sumar eftir langvarandi Covid tímabil. Veðurfar á Íslandi var ekki með besta móti þetta sumarið og ekkert sérlega hliðholtt golfvertíðinni, en meðal lofthiti var talsvert undir meðallagi í sumar. Kylfingar létu veðrið þó ekki aftra sér og voru iðnir við að sækja golfvelli um land allt. Golfklúbburinn Leynir fann vel fyrir veðráttunni þá sérstaklega í umhirðu vallar. Hvað varðar umferð á Garðavöllum þá hafði veðurfarið ekki teljandi áhrif því fjöldi spilaðra hringja var nánast á pari við árið 2021. Eins og sjá má á súluritinu hér að neðan þá var umferðin á Garðavöllum árið 2022 í sögulegu samhengi góð en skráðir hringir voru 22.115. Það má teljast viðunandi árangur í ljósi þeirra krefjandi aðstæðna sem lýst var hér að framan og gefur okkur meðbyr fyrir komandi tíma.



Félagsmenn GL voru að vanda duglegir að spila sinn heimavöll en alls voru 18.880 hringir skráðir á félagsmenn eða um 67% allra skráðra hringja sem er örlítið hærra hlutfall en árin 2020 og 2021. En inn í þeirri tölu er þátttaka félagsmanna í innanfélagsmótum á árinu 2022.

Aðalfundur 2021 og verkefni stjórnar

Aðalfundur síðasta árs var í annað sinn í sögu félagsins haldin í gegnum fjarfundarbúnað sökum Covid-19 en engu að síður voru margir félagsmenn sem tóku þátt í fundinum líkt og árið 2020. Fundurinn fór vel fram og gengu umræður vel fyrir sig, sem og þau mál sem þörfuðust afgreiðslu fundarins.

Á aðalfundi GL þann 24. nóvember 2021 var kosin stjórn fyrir starfsárið 2022. Stjórn var þannig skipuð:

- Oddur Pétur Ottesen, formaður.
- Óli Björgvin Jónsson, varaformaður.
- Heimir Bergmann, gjaldkeri.
- Ella María Gunnarsdóttir, ritari.
- Hörður Kári Jóhannesson, meðstjórnandi
- Hróðmar Halldórsson, varamaður.

Haldnir voru 13 stjórnarfundir á starfsárinu auk óformlegra funda og samtala stjórnarmanna á milli.


Félagatal GL

Félagsmenn GL töldu 650 í lok sumar 2022 en voru 674 á árinu 2021. Fjöldi greiðandi félagsmanna fjölgaði þó milli ára en fjöldi barna sem sóttu golfleikjanámskeið dróst saman milli ára.

Hlutfall kvenna og karla í klúbbnum hélst óbreytt á milli áranna 2021 og 2022, en hlutfall kvenna er nú 31% og karla 69%.

Á komandi árum mun fjölgun kvenna í starfinu verða ein af okkar stóru áskorunum í fjölgun meðlima og þar af leiðandi styrkara starfi. Einnig stendur metnaður stjórnar til fjölgunar iðkenda hjá börnum og unglingum, sem er sannarlega ein mikilvægasta leiðin til að skapa fullgreiðandi félagsmenn þegar til lengri tíma er litið. Fjölgun félaga um 15-20% myndi skapa okkur auknar fastar tekjur og gera klúbbinn minna háðan utanaðkomandi vallartekjum.

Fjöldi fjaraðildarfélaga frá nærliggjandi sveitarfélögum var sambærileg frá fyrra ári eða 83 í ár en voru 80 á árinu 2021. Nýliðun á árinu 2022 var góð en 28 kylfingar gerðust meðlimir í golfhreyfingunni í fyrsta sinn innan raða Leynis. Stjórn GL vill bjóða alla þá félagsmenn sem gengu í klúbbinn á árinu sérstaklega velkomna og vonast til að sjá þá að nýju næsta vor – eins og alla aðra félagsmenn.



Félagsstarfið í Leyni var mjög blómlegt á starfsárinu 2022. Í vetur voru félagsmenn mjög duglegir að nýta sér inni aðstöðuna ásamt golfhermi í kjallara Garðavalla. Heimsfaraldurinn sett þó sinn svip á aðgangsstýringu og aðbúnað en það leystist mjög vel. Þá var íþróttastjóri Leynis, Valdís Þóra Jónsdóttir með æfingar og námskeið fyrir félagsmenn og Jón Einar Hjaltested bauð upp á styrktarþjálfun fyrir félagsmenn.

En að starfsmannahaldi. Í upphafi árs var Einar Gestur Jónasson ráðin í 100% starf vallarstjóra GL sem var að mati stjórnar rökrétt framhald af þeirri tilraun sem gerð var með Golfklúbbi Mosfellsbæjar um vallarstjórn árið 2021. Einar Gestur er grasvallarfræðingur að mennt og gegndi áður vallarstjórastarfi hjá Golfklúbbi Brautarholts. Einar Gestur hefur víðtæka reynslu úr faginu og er mikilvæg viðbót við starfsmannahóp Leynis.

Áskoranir Golfklúbbsins Leynis á komandi árum eru miklar, bæði sem snúa að framkvæmdum og viðhaldi á Garðavelli sem og fjárfestingum í tækjum og búnaði með það að markmiði að gera klúbbinn sem mest sjálfbæran í umhirðu og rekstri. Við höfum á liðnum árum bætt verulega við tækjakost okkar og höfum lagt drög að frekari kaupum á næsta ári.



Við höfum einnig þurft að mæta áskorunum varðandi Garðavelli – þar hefur aðkomuvatn verið að gera okkur lífið leitt. Mest hefur aðstaða í kjallara hússins verið til vandræða, en við höfum líka fengið óumbeðna skammta af vatni í sal og afgreiðslu þegar þannig hefur viðrað. Er þetta viðfangsefni sem unnið er í nánú samstarfi við Akraneskaupstað og vonandi höfum við betur í baráttunni við vatnið á endanum.

Eins og félagsmönnum er kunnugt urðu breytingar á veitingarekstri Garðavalla frá haustinu 2021 þegar eigendur Galító sögðu sig frá rekstrinum. Í vetrarlok tók svo Hlynur Guðmundsson við veitingarekstri á Garðavöllum og opnaði veitingastaðinn Nítjándu / Bistro & Grill í apríl. Stjórn GL þakkar Hlyni og hans starfsfólki fyrir mjög gott samstarf á árinu og erum þess fullviss að það séu mikil sóknarfæri í samstarfinu, báðum aðilum til hagsbóta.

Á 78. ársþingi ÍA sem haldið var 25. apríl í Tónbergi voru félagsmenn GL, þau Kristvin Bjarnason, Ingibjörg Stefánsdóttir og Viktor Elvar Viktorsson sæmd bandalagsmerki ÍA. Stjórn GL óskar þeim innilega til hamingju með nafnbótina og

heiðursviðurkenninguna, með þeim óskum fylgja þakkir fyrir frábært starf í þágu klúbbsins.



Fjórir félagsmenn unnu það afrek að fara holu í höggi á Garðavelli í sumar. Fyrstur til þess þetta sumarið var Sveinbjörn Brandsson þann 14. maí á 3. holu. Næstur í röðinni var Lárus Hjaltested en draumahöggið sló hann 27. maí á 8. holu. Þá var það Hafsteinn Víðir Gunnarsson sem fór holu í höggi þann 11. júní á 18. holu – og tikið eftir, einungis þremur dögum síðar endurtók hann leikinn og fór holu í höggi á 8. holu, sannarlega einstakt afrek hjá Hafsteini. Síðsumar þann 14. september fór svo Kári Steinn Reynisson holu í höggi á 8. holu á rauðum teig.

Golfklúbburinn Leynir óskar þeim innilega til hamingju með að vera komin í Einherjaklúbbinn.

Sveitakeppnir og afreksfólk GL

Íslandsmót golfklúbba (2. deild karla) var haldið við góðar aðstæður á Öndverðanesvelli dagana 19.-21. júlí. Mikil endurnýjun var í sveit Leynis að þessu sinni en eftirtaldir félagsmenn skipuðu sveitina: Alex Hinrik Haraldsson, Björn Viktor Viktorsson, Guðmundur Sigurbjörnsson, Kári Kristvinsson, Kristvin Bjarnason, Pétur Vilbergur Georgsson og Tristan Traustason. Liðsstjóri Leynis var Viktor Elvar Viktorsson. Sveitin stóð sig vel í annars mjög sterku móti og endaði í sjötta sæti og heldur GL sæti sínu í deildinni.



Kvennasveit Leynis spilaði í 2. deild en leikið var á Svarfhólsvelli á Selfossi dagana 22.-24. Júlí. Alls tóku 9 klúbbar þátt í ár og gerðu Leyniskonur vel og enduðu í 4 sæti. Í kvennasveit Leynis spiluðu; Bára Valdís Ármannsdóttir, Ellen Ólsafsdóttir, Elsa Maren Steinarsdóttir, Helga Rún Guðmundsdóttir, Rakel Óskardóttir og Ruth Einarsdóttir sem jafnframt var liðsstjóri GL.



Dagana 18.-20. ágúst fór fram Íslandsmót golfklúbba 50+ í kvenna- og karlaflokki. Karlasveitin spilaði á Kirkjubólsvelli í Sandgerði og endaði í 7 sæti þetta árið. Sveitina skipuðu þeir Björn Bergmann Þórhallsson, Guðmundur Hreiðarsson, Hlynur

Sigurdórsson, Jóhann Þór Sigurðsson, Kristvin Bjarnason, Pétur Vilbergur Georgsson, Sigurður Elvar Þórólfsson og Halldór B. Hallgrímsson sem einnig var liðsstjóri sveitarinnar.

Kvennasveitin spilaði á Hólmsvelli í Leiru og náði frábærum árangri. Þær gerðu sér lítið fyrir og náðu þriðja sætinu eftir sigur gegn Golfklúbbi Kópavogs – og Garðabæjar.



Árangurinn er sérstaklega ánægjulegur þar sem sveitin sigraði í 2. deild fyrir ári síðan og keppti því sem nýliðar í efstu deild í ár. Sveitina skipuðu; Ruth Einarsdóttir sem var liðsstjóri, Elísabet Valdimarsdóttir, Helga Rún Guðmundsdóttir, María Björk Sveinsdóttir, Ragnheiður Jónasdóttir, Rakel Kristjánsdóttir, Díana Carmen Llorens og Jóna Björg Olsen. Golfklúbburinn Leynir færir þeim hamingjuóskir með bronsið, virkilega vel gert og sterk innkoma eftir langt hlé í þátttöku á þessu móti.

Í fyrsta sinn sendi Leynir karlasveit til leik í sveitakeppni LEK í aldursflokknum 65 ára og eldri en mótið fór fram á Selfossi í ágúst. Sveitin spilaði í 2. deild og endaði í 4 sæti. Sveitina skipuðu Einar Jónsson, Sigurður Grétar Davíðsson, Sæmundur Hinriksson, Jón Ármann Einarsson, Guðmundur Haraldsson og Jón Elís Pétursson.



Golfklúbburinn Leynir sigraði Sveitakeppni Unglinga 18 ára og yngri sem fram fór á Hellu dagana 22.-24. júní. Golfklúbburinn Leynir sendi til leiks blandað lið en sveitina skipuðu Bragi Friðrik Bjarnason, Elsa Maren Steinarsdóttir, Kári Kristvinsson, Nói Claxton og Tristan Freyr Traustason. Liðsstjóri sveitarinnar var Björn Viktor Viktorsson. Golfklúbburinn Leynir sigraði Golfklúbb Mosfellsbæjar í úrslitaleik 2-1. Frekari upplýsingar um barna-, unglinga og afreksstarf má finna í skýrslu þeirrar nefndar í ársskýrslunni.



Afrekskylfingurinn Björn Viktor hélt sínu striki í sumar og hélt áfram að vera einn af bestu kylfingunum í sínum flokki þrátt fyrir að hafa farið upp um aldursflokk. Hann endaði öll mótin sem hann fór í á unglingamótaröðinni í topp 10, þar af tvisvar í öðru sæti og tryggði sér sigurinn í Íslandsmeistaramótinu í holukeppni, hans fyrsta Íslandsmeistaratitil. Björn tók einnig þátt í mótaröð þeirra bestu og endaði í topp 20 í Íslandsmótinu í Vestmannaeyjum. Þá sigraði hann meistaramót Leynis sannfærandi. Hann heldur áfram að vera fyrirmynd fyrir yngri krakkanna sem öll líta upp til hans, er samviskusamur við æfingar og kurteis. Við getum verið stolt af því að hafa

kylfing eins og Björn Viktor í Golfklúbbum Leyni.

Að lokum !

En golfiðkun snýst ekki bara um kylfinga, kylfur og golfvöll. Umgjörð og upplifun er órjúfanlegar þáttur iðjunnar, þar kemur best í ljós hvað hlutverk sjálfboðavinnu er ómetanlegt fyrir Golfklúbbinn Leyni. T.a.m. á vinnudegi í aðdraganda opnunar í vor var fjöldi mættur til að leggja hönd á plóginn sem er fáséður. Vill stjórn þakka öllum þeim sem unnið hafa ötult starf í nefndum fyrir GL á starfsárinu sem og þeim fjölmörgu sjálfboðaliðum sem lagt hafa hönd á plóginn í öðrum verkefnum. Það er ekki sjálfgefið að njóta svo mikils velvilja í garð félagsins.

Sjálfboðastarfið gegnir lykilhlutverki í félagsstarfinu, því fleiri vinnufúsar hendur sem að borðinu koma, þeim mun léttara verður viðfangsefnið, umgjörðin verður betri og félagsstarfið skemmtilegra. Félagsmenn-og konur í GL, ásamt okkar glæsilega Garðavelli og félagsaðstöðunni Garðavöllum eru undirstöðurnar sem klúbbstarfið hvílir á af fullum og jöfnum þunga.



Stjórn þakkar vallarnefnd, vallarstjóra, vélarmanni ásamt öðru góðu starfsfólki sem unnu svo vel að umhirðu og viðhaldi Garðavallar í ár. Það er samdóma álit stjórnar, félagsmanna og margra gesta að Garðavöllur hafi sjaldan eða jafnvel aldrei verið í jafn góðu ástandi og á nýliðnu sumri og hafi skartað sínu fegursta. Einnig fær starfsfólk í afgreiðslu GL þakkir fyrir fagmannlegar og hlýjar móttökur til handa félagsmönnum og gestum Garðavallar. Sú faglega umgjörð sem tekist hefur að skapa í rekstrinum er besta kennileitið um þá fagmennsku og þann metnað sem starfsfólk okkar býr yfir.

Töluvert álag hefur verið á mótanefnd GL þetta sumar líkt og áður eins og má sjá í skýrslu mótanefndar. Aðsókn í golfmót sumarsins var mjög góð enda lagði mótanefnd og velunnarar hennar mikinn metnað í að skapa alla umgjörð móta eins vel og kostur var. Margar sjálfboðaliðastundir liggja að baki slíkrar framkvæmdar. Stjórn færir mótanefnd sérstakar þakkir fyrir óeigingjarnt starf.



Í tengslum við Meistaramótið í sumar var aftur boðið upp á hið vinsæla reglurölt með dómaramum og félagsmanninum Viktori Elvari Viktorssyni sem mjög margir félagsmenn nýttu sér. Færir stjórn Viktori Elvari bestu þakkir fyrir þetta framtak ásamt ýmsum öðrum verkefnum sem hann hefur tekið að sér í sjálfboðaliðavinnu fyrir félagið á umliðnum árum.

Að lokum vil ég þakka starfsfólki klúbbsins, meðstjórnarfólki mínu í stjórn, sem og nefndarfólki, fyrir einstaklega gott, skemmtilegt og árangursríkt samstarf. Síðast en ekki síst vil ég færa framkvæmdastjóra þakkir fyrir gott samstarf og vel unnin störf.

*Fyrir hönd stjórnar Golfklúbbsins Leynis
O. Pétur Ottesen, formaður
24. nóvember 2022*

Skýrsla framkvæmdastjóra

Það er við hæfi að byrja þessa skýrslu á að þakka innilega öllum félagsmönnum, stjórn, nefndum og samstarfsfólki fyrir mjög gott og ánægjulegt samstarf á árinu. Golfvertíðin fór vel af stað í maí og margir kylfingar verulega spenntir fyrir komandi golftímabili. Þetta vorið náðu hins vegar margir Íslendingar að fara aftur í sínar árlegu golfferðir erlendis sem er virkilega ánægjulegt eftir ferðatakmarkanir sökum heimsfaraldurs.

Starfsmenn GL voru 23 þegar mest lét frá vori til hausts en þeir voru þó með mismikla viðveru yfir sumarið. Því til viðbótar má telja nokkra félagsmenn sem ávallt voru tilbúnir að hlaupa í skarðið ef upp á vantaði hvort sem er í afgreiðslu og verslun GL eða í ýmis viðvik á vellinum. Í því samhengi vil ég þakka Halldóri F. Jónssyni sérstaklega fyrir sitt framlag til Garðavallar í ár, það er ómetanlegt.

Akraneskaupstaður hefur stutt vel við bakið á klúbbnum í sumar líkt og undanfarin ár. Um 15 ungmenni úr unglingavinnunni störfuðu við ýmis verk á og við Garðavöll og færum við kaupstaðnum þakkir fyrir þann stuðning.



Í vetur varð aftur töluvert tjón í æfingaaðstöðu GL í kjallara Garðavalla. Sökum þess náðum við ekki að nýta inniaðstöðuna eins og til stóð. Það er hins vegar alveg ljóst að aðstaðan í kjallara Garðavallar er sprungin og nær með engu móti að sinna þeim mikla fjölda félagsmanna sem vill iðka golfíþróttina allt árið. Eins verður Golfklúbburinn Leynir að huga að því hvernig hann hyggst, á komandi tímum, mæta fjölgun í barna- og unglingastarfi við þessa takmarkaða aðstöðu.

Rekstur GL starfsárið 2022

Rekstrarniðurstaða Golfklúbbsins Leynis fyrir árið 2022 var góð. Töluverð óvissa ríkti um framhaldið líkt og árið 2021 en af ólíkum toga. Eftirköst af heimsfaraldrinum og ferðaáhugi Íslendinga var áhyggjuefni og var erfitt að spá um fjölda spilaðra hringja og þar af leiðandi fjárhagsleg áhrif þess. En eins og komið hefur fram þá stóðumst við þær áskoranir og getum vel við unað.

Styrktaraðilar GL, stórir sem smáir, eru afar dýrmætir bakhjarlar klúbbsins og færi ég þeim bestu þakkir fyrir samstarfið á árinu 2022. Nýir styrktaraðilar bættust í hópinn í sumar og færum við þeim bestu þakkir fyrir samstarfið og hlökkum til áframhaldandi samstarfs.

Töluverðar fjárfestingar voru á árinu 2022. Eftir uppsögn Galító á samningi um rekstur veitinga á Garðavöllum þá keypti Golfklúbburinn Leynir þann búnað sem búið var að fjárfesta í og tilheyrði eldhúsi. Þá var fjárfest í tveimur vinnubílum, tveimur golfbílum til útleigu, nýrri boltavél og boltatínu. Samanlagt eru þetta fjárfestingar upp á um 15 milljónir króna.

Skammtímalán sem tekið var árið 2017 var borgað upp að fullu á þessu starfsári og engin ný lán tekin. Golfklúbburinn Leynir heldur áfram að greiða niður skuld við Akraneskaupstað vegna framúrkeyrslu við byggingu Frístundamiðstöðvarinnar, Garðavalla. Í ár greiddi klúbburinn þá skuld niður í formi sláttar um rúmar 3,0 m.kr. og í ljósi góðrar rekstrarniðurstöðu hefur stjórn ákveðið að greiða enn frekar inn á skuldina í ár.

Þörfin á endurnýjun á vélabúnaði er enn brýn og óumflýjanleg en tækjakostur vallarins þarf að endurspegla gæði hans hverju sinni.

Rekstrarreikningur

Rekstrartekjur hækkuðu um tæpar 10 m.kr. á milli ára eða um 7%. Helsta skýring þess eru aukin félagsgjöld, auknar vallartekjur og rekstrarstyrkir.

Félagsgjöld hækka um rúm 14% á milli ára eða úr rúmum 39 m.kr. á árinu 2021 í rúmar 44,5 m.kr. á árinu 2022. Tekjur af velli hækka um 3% á milli ára. Það er virkilega ánægjuleg niðurstaða þar sem spiluðum hringjum fækkaði á milli ára.

Rekstrargjöld á árinu voru tæplega fimm milljónum króna lægri en gert var ráð fyrir í áætlun ársins og voru þær um 115,5 m.kr. en gert var ráð fyrir tæplega 120 m.kr. Laun og launatengd gjöld hækka um 5% á milli ára sem er áhugavert í ljósi þess að stöðugildum fjölgaði. Helstu skýringar þessu eru m.a. betri nýting starfsmanna auk þess sem tekið var á mikilli yfirvinu frá árinu 2021. Rekstur Garðavallar var 5% lægri en á árinu 2021 og einni milljón kr. lægri en gert var ráð fyrir í áætlunum.

Rekstrarafkoma klúbbsins er jákvæð um rúmar 28 m.kr. fyrir fjármagnsliði og afskriftir og má því segja að stað klúbbsins sé góð eftir rekstrarárið 2022. Af því sögðu getur klúbburinn unnið áfram að þeim verkefnum sem lagt hefur verið að stað með á vellinum ásamt þeim útgjöld sem fylgja rekstri og fyrirhugaðra endurnýjunar á vélakosti og búnaði.

*Rakel Óskarsdóttir
Framkvæmdastjóri GL
Akranesi, nóvember 2022*


Skýrsla mótanefndar

Mótahald er helsti vettvangur félagsstarfs klúbbsins og því mikilvægt að vel til takist. Fyrirkomulag og aðsókn móta á starfsárinu 2022 var með svipuðum hætti og árið 2021. Þátttaka í opnum mótum sem og í innanfélagsmótum var mjög góð í ár en vissulega gat veðrið sett sinn svip á þátttökuna í sumum mótum.

Í mótanefnd sátu, Hafsteinn Víðir Gunnarsson (formaður), Þórður Elíasson, Þórunn Halldórsdóttir, Búi Örlýgsson, Magnús D. Brandsson og Óli Björgvin Jónsson sem tengiliður stjórnar.

Í sumar voru haldin 8 opin mót, 24 innanfélagsmót auk mótaraðar í barna- og unglingastarfi sem og ýmis önnur boðsmót fyrirtækja, hópa og félagasamtaka.

Golfklúbburinn Leynir stóð fyrir þremur GSÍ mótum sumarið 2022 þ.e. fyrsta Stigamóti GSÍ, Íslandsmót golfklúbba 14 ára og yngri og LEK mót. Alls tóku 3.070 kylfingur þátt í golfmótum á Garðavelli í ár, sem er nánast á pari frá árinu 2021, en þá tóku 3.013 þátt. Það má teljast góður árangur þar sem golfhreyfingin hefur séð minni aðsókn í mót í ár en undanfarin tvö covid ár. Nánari skiptingu milli móta og ára má sjá í töflunni hér að neðan.



Meistaramót GL fór fram dagana 6.-10. júlí og urðu Björn Viktor Viktorsson og Vala María Sturludóttir klúbbmeistarar í ár. Mótanefnd óskar þeim innilega til hamingju með

árangurinn. Mótanefnd þakkar öllum félagsmönnum fyrir þátttökuna í meistaramótinu og öðrum vinningshöfum til hamingju.



Ánægjulegt er að segja frá því að þátttakan í mótinu í ár var frábær en alls tóku 169 kylfingar þátt sem er nýtt met hjá klúbbnum. Fuglaleikurinn var endurtekin í Meistaramótinu en þar gátu kylfingar safnað fuglum í þágu góðs málefnis í samvinnu við fyrirtækið Skipavík í Stykkishólmi en fyrirtækið greiddi 500 kr. fyrir hvern fugl sem náðist í mótinu og rann upphæðin óskipt til Minningarsjóðs Einars Darra, Eitt líf. Fuglarnir voru færri í ár, eða 188, en árið 2021 þar sem einn dagur var felldur niður í sumar vegna veðurs. Skipavík bætti þó í og ákvað að hafa upphæðina 150.000,- kr. í stað 94.000,- kr. Upphæðinni hefur verið komið til aðstandenda sjóðsins og færa þau félagsmönnum, stjórn Leynis og Skipavík bestu þakkir fyrir rausnarlegan styrk. Golfklúbburinn Leynir færir einnig Skipavík bestu þakkir fyrir samstarfið um þetta mikilvæga verkefni.

Mótanefnd færir starfsmönnum GL þakkir fyrir faglega vinnu við mótið sem og öllum þeim sjálfboðaliðum sem lögð sitt að mörkum svo að mótið gæti orðið eins glæsilegt og raunin varð. Þá færir mótanefnd félagsmanninum Sigurði Elvari Þórólfssyni hjá

Skagafréttum.is sérstakar þakkir fyrir að taka myndir út á golfvelli á meðan á mótinu stóð, sem og öðrum jákvæðum fréttum af mótahaldi á liðnu starfsári. Slíkt er ómetanlegt bæði í sögulegu samhengi sem og til að upplýsa samfélagið um það jákvæða starf sem fram fer í klúbbnum.



Liðakeppni Blikksmiðju Guðmundar fór fram í þriðja sinn í sumar við góðar undirtektir félagsmanna. Keppnisfyrirkomulagið er með svipuðum hætti og keppt er í sveitakeppnum golfklúbbanna. Tíu lið skráðu sig til leiks, hvert skipað 7-10 leikmönnum. Team Lögheimili báru sigur úr bítum, annað árið í röð, í úrslitaleik við Unga/Gamla en lokaumferð fór fram 21. ágúst. Mótanefnd þakkar Blikksmiðju Guðmundar fyrir samstarfið og stuðninginn á þessum vettvangi og hvetur þau lið sem og aðra félagsmenn að taka þátt að ári.

Hið vinsæla og vel heppnað hjóna- og paramót fór fram laugardaginn 28. maí og var uppselt í móti líkt og fyrri ár. Hótel Laxárbakki kom inn sem styrktaraðili þessa móts í ár og færum við eigendum Laxárbakka sérstakar þakkir fyrir frábært samstarf og velvild í garð þessa móts. Mótanefnd þakkar þeim Þórði Emil Ólafssyni og Berglinði Helgu Jóhannsdóttur fyrir undirbúning mótsins, eins þeim fjölmörgu styrktaraðilum

sem lögðu sitt af mörkum til að gera það svo veglegt. Góður rómur var gerður að mótinu og hafa kylfingar nú þegar skráð sig til þátttöku að ári.

Miðvikudagsmótin eru ávallt vinsæl á meðal félagsmanna og þó svo að veðrið hafi oft leikið kylfinga grátt á miðvikudögum þá stoppaði það ekki félagsmenn í að taka þátt. Slíkt viðhorf er einstaklega vel til þess fallið að efla félagsstarfið og okkar frábæra klúbb.



Þá var aftur brugðið á það ráð í lok sumars að halda lokamót mótanefndar GL. Það var gert með þeim hætti að haldin voru tvö mót á sama degi sem endaði svo með kvöldverði þar sem mót sumarsins voru gerð upp.

Að lokum þakkar mótanefnd öllum þeim sem hjálpuðu til við framkvæmd móta sem og styrktaraðilum fyrir þeirra framlög.

*F.h. mótanefndar
Hafsteinn Gunnarsson, formaður.
Akranesj, 24. nóvember 2022.*

Skýrsla barna-, unglinga- og afreksnefndar

Skýrsla barna-, unglinga- og afreksnefndar

Í stjórn barna-, unglinga- og afreksnefndar á tímabilinu 2021-2022 sátu:

- Ingibjörg Stefánsdóttir, formaður
- Arna Magnúsdóttir
- Ágúst Grétar Ingimarsson
- Hrönn Þorgeirsdóttir

Tengiliður stjórnar við BUA nefnd var Hróðmar Halldórsson.

Starfsárið 2022 voru skráðir rúmlega 50 iðkendur frá aldrinum 9-20 ára. Aldrei hafa þó fleiri æft golf að vetri til en nánast engin afföll voru frá sumaræfingum yfir á vetraræfingar. Á golfleikjanámskeið klúbbsins mættu tæplega 70 krakkar en er það örlítið færra en undanfarin ár. Helstu útskýringar þess eru að mikið var um löng sumarfrí erlendis en skráningin á námskeiðin í júlí var dræm. Námskeiðin næst enda og byrjun skóla voru fullsetin. Stefnt er að því að breyta skipulagi og tímasetningu leikjanámskeiðanna á næsta ári til að fjölga þátttakendum.

Skipulagðar æfingar svipuðu til síðustu ára þar sem skipulagðar æfingar voru fjórum sinnum í viku en bætt var við einni opinni æfingu frá því frá fyrri árum. Sex þriðjudaga yfir sumarið var spilað í Titleist/FJ mótaröðinni sem var styrkt af ÍSAM.

Valdís Þóra, Íþróttastjóri Leynis, sá um æfingarnar. Fylgdi hún krökkunum á öll mótin á unglingamótaröðinni og nokkur á Mótaröð þeirra bestu. Einnig fylgdi hún iðkendum



á einhver mót á Áskorendamótaröðinni. Henni innan handar voru Elsa Maren Steinarsdóttir, Tristan Freyr Traustason, Bragi Friðrik Bjarnason og Hilmar Veigar Ágústsson en þau sáu um leikjanámskeið sumarsins.

Árangur úr starfinu

Undanfarin ár hefur verið ágætis þátttaka barna og unglunga í mótum á vegum GSÍ. Í ár tóku 12 krakkar þátt bæði á unglingamótaröðinni og áskorendamótaröðinni. Árangurinn lét ekki á sér standa en Björn Viktor vann Íslandsmótið í holukeppni ásamt að enda öll mótin í topp 10. Hann endaði svo í 2. sæti á heildarstigalista sumarsins. Elsa Maren Steinarsdóttir endaðu í topp 10 í öllum mótunum sem hún tók þátt í ásamt því að vera valin í æfingahóp GSÍ fyrir Evrópumeistaramót liða. Vala María Sturludóttir endaði öll mótin í topp 5, þar af þrisvar í 2. sæti. Vala María endaði í 2. sæti á heildarstigalista mótaraðarinnar. Tristan Freyr Traustason endaði í topp 10 í öllum mótunum sem hann tók þátt í og fór úr 7,1 niður í 1,1 í forgjöf.

Á Áskorendamótaröðinni tóku Viktoría Vala Hrafnisdóttir, Sigurður Brynjarsson og Ernir Kristvinsson þátt. Viktoría Vala stóð sig með stakri þrýði og tvisvar í 2. og Sigurður endaði tvisvar í 3. sæti.



Fjórir kylfingar fóru til Vestmannaeyja til að taka þátt í Íslandsmótinu í högggleik í fullorðinsflokki. Þar af þrjú að taka þátt í sínu fyrsta Íslandsmóti. Tvö af fjórum komust í gegnum niðurskurðinn.

Sjö kylfingar komust inn í Íslandsmót unglunga í holukeppni en aðeins 16 efstu í hverjum flokk komast inn í mótið. Sex komust í 8-liða úrslit og þrjú alla leið í úrslit. Það voru þau Björn Viktor, Guðlaugur Þór og Vala María. Björn Viktor landaði þar sigri í sínum flokki.

Þá voru lið send í Sveitakeppni 18 ára og yngri og 14 ára og yngri. Blönduð sveit 18 ára og yngri sýndi rækilega hvað í þeim bjó og unnu Íslandsmeistaratitilinn. Er þetta í fyrsta sinn síðan 1999 að titill vinnist í þessum flokk hjá GL.

Fróðleikur úr starfinu

Farið var í æfingaferð til Spánar í byrjun apríl á þessu ári. Farið var á Costa Ballena Ocean Club, svæði með 27 holum, 9 holu þar 3 velli og frábæru æfingasvæði. 18 krakkar fóru með í ferðina ásamt 10 foreldrum. Frábær ferð þar sem krakkarnir mættu í útihlaup kl. 7 nokkra morgna og spiluðu og æfðu golf fram að kvöldmat alla daga.

Markmið BUA nefndar er að fara árlega í æfingaferð erlendis því það hvetur krakka til auka æfinga og kynnir krakkana fyrir golfi í öðruvísi aðstæðum en þau eru vön á Íslandi. Annað hvert ár er stefnt að því að fara með breiðan hóp eins og gert var í ár. Hin árin verður svo farið með minni hóp sem mun miðast við keppnisreynslu og forgjöf. Krakkarnir læra að spila á öðruvísi tegundum af grasi, sandi og hönnun valla; kennir þeim leikskipulag og ímyndunarafl þegar það kemur að golfleiknum og lengir tímabilið utanhúss. Allt eru þetta mikilvægir þættir í mótun ungra kylfinga.

Lokahólf barna og unglunga var haldið 23. september í blíðskaparveðri. Eins og síðastliðin ár var haldið Shoot-out þar sem skipt var í hópa eftir aldri og kyni og notaðir mismunandi teigar sem hentuðu getustigi hvers og eins. Það var Nói Claxton sem stóð uppi sem sigurvegari en Nói hefur tekið gríðarlegum framförum síðastliðin tvö sumur. Hann hefur farið úr 33,1 í forgjöf niður í 7,2 og var þetta fyrsta sumarið hans sem hann keppti á unglingamótaröðinni. Mikið efni þar á ferð.



Einnig voru haldnar pútt- og vippþrautir þar sem krakkarnir söfnuðu stigum. Það var Tristan Freyr sem hreppti verðlaunin í bæði púttum og vippum.

Lokahófið var veglega styrkt af Ecco, Örninn golfbúð, Golfklúbbnum Leyni og ÍSAM. Einnig fá Jón Smári Svavarsson, Pálína Alfreðsdóttir og Þórunna Halldórsdóttir sérstakar þakkir fyrir hjálp þeirra við framkvæmd lokahófsins.

Að lokum vill BUA nefnd koma á framfæri þökkum til styrktaraðila:

- | | |
|---------------------------|---------------|
| - Landsbankinn | - Húsasmiðjan |
| - Íslandsbanki | - ÍSAM |
| - Akraneskaupstaður og ÍA | |

*Fyrir hönd barna- Unglinga- og afreknefndar,
Valdís Þóra Jónsdóttir, íþróttastjóri.
Akranesi, nóvember, 2022.*

Skýrsla Kvennanefndar

Kvennanefnd árið 2022 var skipuð:

Ruth Einarsdóttir – Formaður

Þórgunnar Stefánsdóttir – Samfélagsmiðlar

Elísabet Sæmundsdóttir – Samfélagsmiðlar

Helga Rún Guðmundsdóttir – Sveitakeppnisnefnd

Helga Dís Daníelsdóttir – Sveitakeppnisnefnd

Jóna Björk Olsen – Skemmtinefnd

Diana Carmen Llorens Izaguirre – Skemmtinefnd

Elín María Gunnarsdóttir – Tengiliður við stjórn



Ný nefnd hóf störf á vormánuðum 2022. Markmið kvennanefndar voru skýr, að hvetja konur til almennrar þátttöku bæði í kvennamótum og almennt í mótum á vegum Leynis. Kvennanefndina skipar fjölmennur hópur kvenna sem stillti upp öflugri dagskrá fyrir sumarið 2022. Facebook hópur Leyniskvenna var vel virkjaður <https://www.facebook.com/groups/624933591313827>

25. apríl var haldið kynningarkvöld á Nítjándu. Óhætt er að segja að mætingin hafi verið frábær og gaman að hefja golfsumarið á þennan hátt. Hlynur tók vel á móti okkur konunum. Sigurður Elvar hélt tölu um kvennagolf á Íslandi. Kvennanefnd var kynnt og dagsskrá sumarsins.

Sex golf hittingar voru á dagskrá sumarsins. Spilað var fyrsta þriðjudag í mánuði. Ákveðið var að hafa ekki mót heldur hitting, gleði og golf. Konur skráðu sig til leiks á Facebook hóp Leyniskvenna. Raðað var í holl með það að markmiði að konur kynntust betur innbyrðis.

Mætingin var gríðarlega góð en um og yfir 30 konur voru saman komnar hvert skipti til að hittast og spila golf.

Eftirfarandi mót voru haldin á vegum kvennanefndar:

- Vön/óvön
- 4 manna Texas
- 9 holu spottamót var haldið í Bakkakoti í boði GM kvenna
- Sumargleði GL kvenna – Í fyrsta skipti var spilað í tveimur forgjafahópum (full forgjöf)
- Út á land – Spilað var í Borgarnesi. Tilgangur ferðarinnar var að hvetja konur til þátttöku og undirbúnings fyrir Vesturlandsmótið.
- Búbblumót



Vesturlandsmót kvenna var haldið í Borgarnesi 27 ágúst. Fjöldi kvenna tók þátt þar á meðal 21 kona frá okkur. Borgnesingar lönduðu fyrsta sæti en Leynis konur voru í öðru sæti. Þrjár Leyniskonur spiluðu í bráðabana um titilinn Vesturlandsmeistarinn. María Björg Sveinsdóttir stóð uppi sem sigurvegari, Vala María Sturludóttir endaði í öðru sæti og Ruth Einarsdóttir í því þriðja.



Kvennanefndin var mjög metnaðarfull þegar koma að Íslandsmóti golfklúbba. Ákveðið var að senda sveit á Íslandsmót golfklúbba í fyrsta skipti síðan 2019. Önnur deildin var spiluð á Selfossi og hafnaði sveit Leynis í 4 sæti. Sveitina skipuðu Ruth liðsstjóri, Rakel, Helga Rún, Ellen, Bára og Elsa. Íslandsmót golfklúbba 50+ var haldið í Leirunni. Sveitin hafði unnið sér rétt til að spila í 1 deild í fyrra. Þær gerðu sér lítið fyrir og náðu þeim stórkostlega árangri að hafna í þriðja sæti. Sveitina skipuðu Ruth liðsstjóri, Helga Rún, Jóna Björk, Carmen, Elísabet Valdimars, María Björg, Rakel Kristjáns og Ragnheiður Jónasar.

Kvennanefndin er mjög spennt fyrir næsta sumri. Vonumst til að efla enn fleiri konur til golf iðkunnar og þátttöku í frábæru starfi Leyniskvenna.

*F.h kvennanefndar GL
Ruth Einarsdóttir, formaður
10. nóvember 2022*

Skýrsla Vallarnefndar 2022

Mikið og gott starf fór fram í vallarnefnd 2022 nefndina skipuðu

Kristvin Bjarnason formaður

Hörður Kári Jóhannesson tengiliður stjórnar

Davíð Búason

Eiríkur Jónsson

Guðjón Viðar Guðjónsson

Hannes Marinó Ellertsson

Reynir Sigurbjörnsson

Í upphafi þessa starfsárs var auglýst eftir vallarstjóra í fullt starf og valinn var í starfið Einar Gestur Jónasson. Þetta er í fyrsta skipti í langan tíma sem Leynir hefur verið með vallarstjóra í fullu starfi og er það mat Nefndarinnar að þarna hafi verið tekið stórt skref til framfara í faglegri umhirðu og endurbótum á Garðavelli til að gera góðan völl enn betri.



Formlegir fundir nefndarinnar á þessu starfsári voru níu auk fjölda annars konar óformlegra fundarhalda.

Helstu framkvæmdir á Garðavelli þetta starfsárið voru frágangur á hvítum teig á 2 holu, blár og rauður teigur á 12 holu, lokafrágangur á glompu við 18 flöt, loka skurði milli 5 og 7 holu. Auk þessa var talsvert tekið til í trjágróðri á vellinum þá aðallega verið að fjarlægja ónýtan Víði og á eftir að gera töluvert meira af því. Einnig var gróðursett eitthvað af Öspum og Birki.



Nú á haustdögum fór svo nefndin ásamt vallarstjóra þess á leit við Edwin Roald golfvallararkitekt að vinna með okkur hugmyndir að endurnýjun og breytingum á púttflöt við skála og umhverfi hennar, endurnýjun 18 flatar og 13 flatar og umhverfi hennar. Hér er um að ræða á þessu stigi grófar hugmyndir og kostnaðarútreikninga. Vallarnefnd bindur miklar vonir við það að fjármagn fáið á næstu árum til að ljúka endurbyggingu flata á Garðavelli en þá eru á vellinum 6 gamlar moldar flatir sem eru barn síns tíma og löngu tímabært að skipta þeim út þarna er lykilinn að næsta skrefi í bættum gæðum Garðavallar.

Að lokum vill svo nefndin þakka Vallarstjóra og hans fólki fyrir frábæran Garðavöll sumarið 2022. Sett hafa verið ný viðmið í gæðum Garðavallar.

*Fyrir hönd vallarnefndar starfsárið 2022
Kristvin Bjarnason formaður.
Akranesj, nóvember 2022*

Skýrsla forgjafarnefndar

Sumarið 2022 var þriðja sumarið sem hið nýja forgjafarkerfi GSÍ var við líði. Forgjöf kylfinga er reiknuð út frá 8 bestu hringjum leikmanns af síðustu 20. Til viðbótar er tekið tillit til leikaðstæðna á þann hátt að skor leikmanns er leiðrétt m.t.t. almenns skors á viðkomandi velli á leikdegi. Hafi skor þeirra sem skiluðu inn hringjum tiltekin dag þannig almennt verið hátt leiðir það til þess að forgjöfin hækkar minna og svo öfugt.



Reglugerðir flestra móta eru með þeim hætti að til að keppa til verðlauna þurfa kylfingar að vera með virka forgjöf. Virk forgjöf fæst með því að skrá spilaða hringi í forgjafarkerfið. Með því fæst „rétt“ forgjöf og keppni því á jafningagrundvelli. Klúbbmeðlimir eru því hvattir til að skrá sem flesta af sínum golfhringjum – jafnt góða sem slæma – og skila inn í kerfið. Í tilteknum forgjafarflokkum er til að mynda hægt að skrá 9 holu hringi.

Forgjöf meðlima er uppfærð daglega og hægt að fylgjast með henni í gegnum golfboxið.

*F.h. forgjafarnefndar
Akranesi, nóvember 2022.
Stefán Orrí Ólafsson*



**Ársreikningur fyrir
starfsárið 2022**

Áritun stjórnar og framkvæmdastjóra

Stjórn og framkvæmdastjóri Golfklúbbsins Leynis, Akranesi, staðfesta hér með ársreikning félagsins fyrir rekstrarárið 1. nóvember 2021 til 31. október 2022 með undirritun sinni.

Akranesi, 22. nóvember 2022

Pétur Ottesen

Pétur Ottesen
Formaður Leynis

Heimir Bergmann
Heimir Bergmann, gjaldkeri

Ella María Gunnarsdóttir
Ella María Gunnarsdóttir, ritari

Óli Björgvin Jónsson
Óli Björgvin Jónsson, meðstjórnandi


Hörður Kári Jóhannesson
Hörður Kári Jóhannesson, meðstjórnandi

Hróðmar Halldórsson
Hróðmar Halldórsson, varamaður


Rakel Óskarsdóttir
Rakel Óskarsdóttir, framkv.stjóri

Áritun kjörinna skoðunarmanna

Við undirritaðir kjörnir skoðunarmenn Golfklúbbsins Leynis, Akranesi, höfum gert dreifikönnun á fylgigögnum í bókhaldi golfklúbbsins fyrir rekstrarárið 1. nóvember 2021 til 31. október 2022 og borið saman við bókhaldsbækur, sem reyndust réttar. Teljum við að ársreikningurinn gefa glögga mynd af rekstri golfklúbbsins.



Elías H. Ólafsson
Kjörinn skoðunarmaður



Andrés Ólafsson
Kjörinn skoðunarmaður

Akranesi þann 21. nov 2022

Rekstraryfirlit

1. nóvember 2021 til 31. október 2022

Rekstrartekjur	Skýr.	2022	2021
Félagsgjöld	1 -	44.617.950 -	39.141.471
Tekjur af velli	2 -	32.061.514 -	31.085.411
Tekjur af mótum	-	11.418.700 -	10.473.500
Rekstrarframlög og styrkir	3 -	41.240.950 -	39.079.927
Vörusala	-	7.202.007 -	7.060.271
Leigutekjur	4 -	7.478.048 -	7.597.063
	-	144.019.169 -	134.437.643
Rekstrargjöld			
Laun og launatengd gjöld	5	64.209.042	60.980.857
Rekstur vallar	6	16.066.158	16.975.892
Rekstur frístundarmiðstöðvar	7	15.345.764	15.526.111
Mótahald og keppniskostnaður	8	6.599.114	3.177.042
Barna- og unglingastarf	9	1.518.327	1.222.239
Gjöld til GSÍ		3.079.800	2.962.400
Kostnaðarverð seldra vara	10	5.358.328	6.311.167
Annar rekstrarkostnaður	11	3.404.127	2.238.183
		115.580.660	109.393.891
Rekstrartekjur umfram rekstrargjöld		28.438.509	25.043.752
Afskriftir rekstrarfjármuna skv. fyrnignaskrá	-	11.367.986 -	12.844.567
Fjármagnskostnaður	12 -	1.548.348 -	1.107.674
Hagnaður af sölu rekstrarfjármuna		-	674.722
Tekjur umfram gjöld (-gjöld umfram tekjur)		15.522.175	11.766.233

EFNAHAGSREIKNINGUR

31.10.2022

EIGNIR

	Skýr.	31.10.2022	31.10.2021
FASTAFJÁRMUNIR			
Varanlegir rekstrarfjármunir			
Mannvirki		5.623.121	5.783.509
Framlag GL til frístundamiðstöðvar		50.945.830	53.952.169
Golfvöllur		69.688.128	69.688.128
Vélar og búnaður		45.870.628	39.344.674
Samtals varanlegir rekstrarfjármunir		172.127.707	168.768.480
SAMTALS FASTAFJÁRMUNIR		172.127.707	168.768.480
VELTUFJÁRMUNIR			
Skammtímakröfur			
Vörubirgðir		870.500	765.390
Kortaviðskipti og samningar		872.284	0
Viðskiptakröfur		710.642	2.066.144
Samtals skammtímakröfur		2.453.426	2.831.534
Handbært fé			
Hlaupareikningur Lí		173.373	602.788
Vaxtareikningur Lí		0	3.465.978
Sparireikningur Lí		771	769
Lí veltureikn. 601		29.699.555	21.518.213
Samtals handbært fé		29.873.699	25.587.748
SAMTALS VELTUFJÁRMUNIR		32.327.125	28.419.282
SAMTALS EIGNIR		204.454.832	197.187.762

EFNAHAGSREIKNINGUR

31.10.2022

SKULDIR OG EIGIÐ FÉ

	Skýr.	31.10.2022	31.10.2021
EIGIÐ FÉ			
Yfirfært frá fyrri árum		121.708.268	109.942.035
Hagn / -Tap á reikningsárinu		15.522.175	11.766.233
Samtals eigið fé		137.230.443	121.708.268
SKULDIR			
Langtímaskuldir			
Akraneskaupstaður skuld v. frístundarhúss		50.945.830	53.952.169
Landsbanki Íslands lán		7.835.272	14.385.273
Næsta árs afborgun		-3.179.688	-6.553.959
Samtals langtímaskuldir		55.601.414	61.783.483
Skammtímaskuldir			
Viðskiptaskuldir		4.776.441	4.381.566
Ógreidd laun og launatengd gjöld		3.606.794	2.751.359
Áfallnir vextir langtímalána		60.052	9.127
Næsta árs afborgun langtímalána		3.179.688	6.553.959
Samtals skammtímaskuldir		11.622.975	13.696.011
SAMTALS SKULDIR		67.224.389	75.479.494
SAMTALS SKULDIR OG EIGIÐ FÉ		204.454.832	197.187.762

Skýringar

	2022	2021
Sundurliðanir		
1 Félagsgjöld	44.617.950	39.141.471
Félagsgjöld fullorðinna	44.711.330	36.672.990
Veittur afsláttur	-2.261.380	-628.924
Árgjöld heiðursfélaga	-583.000	-681.000
Félagsgjöld barna og unglinga	930.000	2.239.503
Veittur afsláttur	-150.000	-35.600
Æfingagjöld	1.464.000	997.002
Námskeið	507.000	577.500
2 Tekjur af velli	32.061.514	31.085.411
Vallarleiga	23.979.949	25.309.708
Tekjur af slætti	8.081.565	5.775.703
3 Rekstrarframlög og styrkir	41.240.950	39.079.927
Barna- og unglिंगastarf	1.676.644	2.157.497
Garðavellir húsaleigustyrkur	9.999.996	9.999.996
Aðrir styrkir	29.564.310	26.922.434
4 Leigutekjur	7.478.048	7.597.063
Boltavél	924.950	1.319.542
Garðavellir	2.215.000	2.992.971
Golfbílar	1.770.800	1.561.550
Golfbúnaður	83.798	39.000
Golfhermir	2.483.500	1.684.000
5 Laun og launatengd gjöld	64.209.042	60.980.857
Barna- og unglिंगastarf	6.674.259	8.114.183
Garðavöllur	43.094.636	33.640.835
GM vallarstjórn	0	5.000.000
Skrifstofa	14.440.147	14.225.839
6 Rekstur vallar	16.066.158	16.975.892
Vallarviðhald efni og vinna	5.530.443	9.313.143
Pappír prentun	395.188	280.373
Rekstur fasteigna	732.115	718.409
Gámaþjónusta	660.766	838.258
Rekstur tækja	8.747.646	5.271.060
Leiga á golfbílum	0	554.649

7 Rekstur Garðavalla	15.345.764	15.526.111
Aðkeypt þjónusta	714.610	1.461.950
Afnota- og þjónustugjöld	327.211	580.614
Húsaleiga Akraneskaupstaðar	9.999.996	9.999.996
Veitugjöld	2.753.388	2.677.741
Ræstingakostnaður	104.858	0
Viðhald áhalda og tækja	1.300.666	475.705
Annar húsnæðiskostnaður	145.035	330.105
8 Golfmót	6.599.114	3.177.042
Aðkeypt þjónusta	3.441.406	270.480
Keppniskostnaður	1.905.314	1.199.341
Verðlaun og viðurkenningar	1.086.794	837.221
Annar kostnaður	165.600	870.000
9 Barna- og unglingastarf	1.518.327	1.222.239
Aðkeypt þjónusta	926.405	738.500
Keppniskostnaður	473.025	167.829
Verðlaun	0	26.476
Annar kostnaður	118.897	289.434
Gjöld til GSÍ	3.079.800	2.962.400
10 Verslun	5.358.328	6.311.167
Vörukaup	5.463.438	6.398.907
Birgðabreyting	-105.110	-87.740
11 Annar rekstrarkostnaður	3.404.127	2.238.183
Aðkeypt þjónusta	1.553.306	512.143
Pappír prentun ritföng burðargj.	66.835	10.398
Gjafir og viðurkenningar	32.090	11.065
Funda og viðskiptakostnaður	0	41.130
Auglýsingar	244.466	73.204
Afnota- og þjónustugjöld	708.009	1.276.965
Akstur og flutningsgj.	349.876	0
Viðhald áhalda og tækja	187.033	0
Annar kostnaður	262.512	313.278
12 Fjármagnstekjur og gjöld	1.548.348	1.107.674
Afskrifaðar kröfur	509.780	-32.544
Vaxtatekjur	-18.920	-32.544
Fjármagnstekjuskattur		4.427
Vaxtagjöld	923.696	1.059.450
Bankakostn. og þjónustugjöld	133.792	76.341

SJÓÐSSTREYMI

01.11.20121 - 31.10.2022

Rekstrarhreyfingar	Árið 2022	Árið 2021
Hagnaður (tap) ársins	15.522.176	11.766.233
Rekstrarliðir sem ekki hafa áhrif á fjárstreymi	0	-674.722
Afskriftir	11.367.985	12.844.567
Veltufé frá rekstri	26.890.161	23.936.078
Breyting á rekstartengdum eignum og skuldum		
Vörubirgðir lækkun (hækkun)	-105.110	-87.740
Skammtímakröfur, lækkun (hækkun)	483.218	4.800.201
Skammtímaskuldir, (lækkun) hækkun	1.301.235	-5.808.785
Nettó breyting	1.679.343	-1.096.324
Handbært fé frá rekstri	28.569.504	22.839.754
Fjárfestingarhreyfingar		
Eignfært framlag til byggingar fríst.miðst.		-280.676
Eignfærðar framkvæmdir á velli	0	0
Keypt tæki	14.727.213	24.911.119
Fjárfestingarhreyfingar	-14.727.213	24.630.443
Fjármögnunarhreyfingar		
Sala eigna	0	900.000
Tekið langtímalán	0	19.389.800
Afborganir langtímaskulda	-6.550.001	-11.775.030
Afborgun á skuld vegna frístundahúss	-3.006.339	-2.657.369
Fjármögnunarhreyfingar	-9.556.340	5.857.401
Hækkun (lækkun) handbærs fjár	4.285.953	4.066.714
Handbært fé í upphafi árs	25.587.748	21.521.034
Handbært fé í lok árs	29.873.699	25.587.748

Fjárhagsáætlun 2023

1. nóvember 2022 til 31. október 2023

Rekstrartekjur	Skýr.	2023	2022	2021
Félagsgjöld	1	47.000.000	- 44.617.950	- 39.141.471
Tekjur af velli	2	32.000.000	- 32.061.514	- 31.085.411
Tekjur af mótum		11.000.000	- 11.418.700	- 10.473.500
Rekstrarframlög og styrkir	3	41.000.000	- 41.240.950	- 39.079.927
Vörusala		7.000.000	- 7.202.007	- 7.060.271
Leigutekjur	4	8.500.000	- 7.478.048	- 7.597.063
		146.500.000	-144.019.169	- 134.437.643
Rekstrargjöld				
Laun og launatengd gjöld	5	75.000.000	64.209.042	60.980.857
Rekstur vallar	6	22.000.000	16.066.158	16.975.892
Rekstur frístundarmiðstöðvar	7	16.000.000	15.345.764	15.526.111
Mótahald og keppniskostnaður	8	6.000.000	6.599.114	3.177.042
Barna- og unglingastarf	9	2.000.000	1.518.327	1.222.239
Gjöld til GSÍ		3.300.000	3.079.800	2.962.400
Kostnaðarverð seldra vara	10	6.000.000	5.358.328	6.311.167
Annar rekstrarkostnaður	11	3.700.000	3.404.127	2.238.183
		134.000.000	115.580.660	109.393.891
Rekstrartekjur umfram rekstrargjöld		12.500.000	28.438.509	25.043.752
Afskriftir rekstrarfjármuna skv. fyrnignaskrá		- 12.073.000	- 11.367.986	- 12.844.567
Fjármagnskostnaður	12	- 800.000	- 1.548.348	- 1.107.674
Hagnaður af sölu rekstrarfjármuna		500.000	-	674.722
Tekjur umfram gjöld (-gjöld umfram tekjur)		127.000	15.522.175	11.766.233

SJÓÐSSTREYMI

01.11.20122 - 31.10.2023

Rekstrarhreyfingar	Árið 2023	Árið 2.022	Árið 2021
Hagnaður (tap) ársins	127.000	15.522.175	11.766.233
Rekstrarliðir sem ekki hafa áhrif á fjárstreymi	-500.000	0	-674.722
Afskriftir	12.073.000	11.367.985	12.844.567
Veltufé frá rekstri	11.700.000	26.890.161	23.936.078
Breyting á rekstartengdum eignum og skuldum			
Vörubirgðir lækkun (hækkun)	0	-105.110	-87.740
Skammtímakröfur, lækkun (hækkun)	0	483.218	4.800.201
Skammtímaskuldir, (lækkun) hækkun	0	1.301.235	-5.808.785
Nettó breyting	0	1.679.343	-1.096.324
Handbært fé frá rekstri	11.700.000	28.569.504	22.839.754
Fjárfestingarhreyfingar			
Eignfært framlag til byggingar fríst.miðst.	0	0	-280.676
Eignfærðar framkvæmdir á velli	0	0	0
Keypt tæki	22.000.000	14.727.213	24.911.119
Fjárfestingarhreyfingar	-22.000.000	-14.727.213	24.630.443
Fjármögnunarhreyfingar			
Sala eigna	500.000	0	900.000
Tekið langtímalán	19.200.000	0	19.389.800
Afborganir langtímaskulda	-3.179.688	-6.550.001	-11.775.030
Afborgun á skuld vegna frístundahúss	-3.000.000	-3.006.339	-2.657.369
Fjármögnunarhreyfingar	13.520.312	-9.556.340	5.857.401
Hækkun (lækkun) handbærs fjár	3.220.312	4.285.953	4.066.714
Handbært fé í upphafi árs	29.873.699	25.587.748	21.521.034



Golfklúbburinn Leynir

Grímsholti, 300 Akranes

Sími: 431 2711

leynir@leynir.is

www.leynir.is